



100 Vjet Pavarësi



REPUBLIKA E SHQIPËRISË
MINISTRIA E BRËNDËSHME

Drejtoria e Përgjithshme
e Policisë së Shtetit

Nr. 3597 Prot, datë 22. 06. 2012



REPUBLIKA E KOSOVËS
MINISTRIA E PUNËVE TË BRËNDËSHME

Drejtoria e Përgjithshme
e Policisë së Kosovës

Nr. 712 Prot, datë 22. 06. 2012

MEMORANDUM - BASHKËPUNIMI

MBI

**ORGANIZIMIN E SHËRBIMEVE TË PËRBASHKËTA TË POLICIMIT
RRUGOR TË POLICISË SË SHTETIT SHQIPTAR DHE POLICISË SË
KOSOVËS, NË TERRITORIN REPUBLIKËS SË SHQIPËRISË**

Policia e Shtetit, Shqipëri, këtej e tutje pala pritëse, përfaqësuar nga Drejtori i Përgjithshëm, z. Hysni BURGAJ, dhe Policia e Kosovës, këtej e tutje pala dërguese, përfaqësuar nga Drejtori i Përgjithshëm, Shpend MAXHUNI ;

Të vetëdijshtëm për nevojën dhe rëndësinë e bashkëpunimit mes dy agjencive policore në përpjekje për rritjen e elementëve të Sigurisë Rrugore ;

Të ndërgjegjshëm për faktin se gjatë sezonit turistik Qershor – Shtator 2012, ka një rritje të ndjeshme të numrit të shtetasve nga Kosova që vijnë për pushime në zonat turistike të Shqipërisë, si dhe të mjeteve që qarkullojnë në akset kryesore rrugore që lidhin të dy vendet ;

Me synim, intensifikimin e mëtejshëm të marrëdhënieve dhe për të forcuar bashkëpunimin midis policive të dy vendeve, nëpërmjet planifikimit dhe zbatimit të masave të përbashkëta ;

Me qëllim, vendosjen e bashkëpunimit konkret në fushën e parandalimit të kundërvajtjeve administrative për rritjen e efikasitetit të luftës ndaj humbjes së jetëve njerëzore në aksidentet rrugore dhe zbatimin me rigorozitet të legjislacionit rrugor, për krijimin e një ambienti më të sigurt për të gjithë qytetarët dhe përdoruesit e rrugës, që qarkullojnë në akset rrugore që lidhin dy vendet ;

Me dëshirën për të mundur arritjen e synimeve të sipërpërmendura nëpërmjet një bashkëpunimi ndërinstytucional dhe ndërpoligor ;

Bazuar në ligjin nr. 9749, datë 04.06.2007 “Për Policinë e Shtetit”, ligjin nr. 8378, datë 22.07.1998 “Kodi Rrugor i Republikës së Shqipërisë”, ligjin për Policinë nr. 04/L-076, i datës 02.03.2012 i miratuar nga Kuvendi i Republikës së Kosovës ;

bien dakord si më poshtë :

Neni 1

Pala dërguese dërgon gjashtë (6) punonjës policie të trafikut rrugor dhe tre (3) automjete shërbimi policore të Kosovës në Shqipëri, për periudhën 01.07.2012 deri me 31.08.2012, në periudha jo më të shkurtra se **10 (dhjetë)** ditë.

Oficerët e policisë rrugore të palës dërguese së bashku me oficeret e policisë rrugore të palës pritëse do të marrin pjesë në aktivitete me qëllim intensifikimin e bashkëpunimit sa më cilësor policor, me qëllim :

- a) shkëmbimin e praktikave më të mira të policimit rrugor,
- b) mbështetjen në parandalimin e ngjarjeve aksidentale me pasoja për jetën e qytetareve,
- c) forcimin e sigurisë rrugore,
- d) ndëshkrimin e shkeljeve të rregullave të qarkullimit rrugor,

Oficerët e palës dërguese gjatë qëndrimit në Shqipëri dhe gjatë kryerjes së aktiviteteve në funksion të detyrave funksionale të tyre, nuk kane kompetenca policore ekzekutive, dhe nuk mund të ndërmarrin aktivitete për të cilat është kompetent oficeri i palës pritëse.

Gjatë kryerjes së detyrave të tyre, oficerët e palës dërguese, do të jenë me uniformën policore të shërbimit.

Personeli Policor të jetë i kompletuar me uniformë dhe pajisjet e nevojshme për kryerjen e shërbimit.

Neni 2

Pala pritëse do të njohë oficerët e palës dërguese me rregullat përkatëse të ligshmërisë kombëtare dhe kushtet specifike të punës së shërbimit të policisë rrugore gjatë sezonit turistik.

Neni 3

Planifikimi i oficerëve të palës dërguese në shërbim kryhet nga strukturat drejtuese të njësisë policore ku do të vendoset me shërbim, në përputhje me rregullat e organizimit të këtij shërbimi.

Në raste urgjente, oficerët e palës dërguese duhet të jenë në gatishmëri për kryerjen e detyrave në çdo kohë të ditës.

Të gjitha vërejtjet e oficerëve të palës dërguese do t'i trajtoj shërbimi i autorizuar i palës pritëse, në pajtim me legjislacionin kombëtar.

Neni 4

Gjatë kryerjes së detyrave, pala pritëse do t'i ofroj oficerëve të palës dërguese mbrojtjen dhe ndihmën e barabartë, si të ishte oficer i policisë shqiptare.

Pala pritëse do të siguroj për oficerët e palës dërguese vendbanim, ushqim dhe transport lokal falas, si dhe karburant për automjetet e policisë së Kosovës gjatë qëndrimit në Shqipëri.

Gjatë kryerjes së shërbimit në territorin e Republikës së Shqipërisë oficerët e palës dërguese janë përgjegjës për veprimet që kryejnë në lidhje me statusin juridik në punë dhe përgjegjësinë për dëmin dhe ndëshkohen sipas legjislacionit shqiptar.

Neni 5

Të gjitha detyrat të cilat kryhen nga oficerët e palës dërguese, koordinohen nga pala pritëse, konkretisht nga drejtuesi i njësisë së policisë rrugore kompetente.

Oficerët e palës dërguese për punën që kryejnë janë përgjegjës para eprorit të shërbimit të palës dërguese.

Neni 6

Pala pritëse është përgjegjëse për të gjitha çështjet administrative lidhur me detyrat të cilat kryhen nga oficerët e palës dërguese në Shqipëri gjatë periudhës së shërbimit.

Neni 7

Pala pritëse, në bazë të mendimit të njësisë organizative kompetente, mund të ndërpresë qëndrimin në Shqipëri të oficerëve të palës dërguese për shkak :

- a) të moskryerjes së detyrave në mënyrë efikase, pa dinjitet dhe në mënyrë jo të duhur.
- b) të sjelljes në kundërshtim me etikën profesionale.

Raporti përkatës në lidhje me ndërprerjen e qëndrimit i bazuar në fakte objektive, pala pritëse i`a dërgon palës dërguese.

Neni 8

Pala pritëse bën vlerësimin e nevojës së vazhdimit të bashkëpunimit policor lidhur me dërgimin e përkohshëm të oficerëve të palës dërguese në Shqipëri gjatë sezonit turistik.

Vendimin lidhur me vazhdimin e bashkëpunimit të ardhshëm në këtë fushë, pala pritëse do i`a dërgojë palës dërguese jo më vonë se pesëmbëdhjete (15) ditë, nga dita e ndërprerjes së dërgimit të përkohshëm të oficerëve të palës dërguese.

Neni 9

Ndryshimi apo plotësimi i mundshëm i këtij memorandumi bëhet me pëlqimin e palëve.

Mosmarrëveshjet të cilat rrjedhin gjatë zbatimit të këtij protokolli do të zgjidhen me mirëkuptim.

Ky protokoll hyn në fuqi ditën e nënshkrimit dhe i humbet fuqinë ditën e gjashtëdhjetë (60) pas përfundimit të periudhës së caktuar në nenin 1 paragrafi 1 të këtij Protokolli.

Neni 10

Nënshkruar në 22.06.2012 në katër origjinale, në gjuhën shqipe, ku të gjitha tekstet janë identike.

Për Policinë e Shtetit, Shqipëri

Hysni BURGAJ

Drejtor i Përgjithshëm



Për Policinë e Kosovës

Shpend MAXHUNI

Drejtor i Përgjithshëm

